

جَزَائِرِ مَحَاكِمَ

جمعه ایرتسی

تومرو	رمضان	سنه	مارت	سنه	صیغه
۸۱۴	۲۶	۱۳۱۲	۱۱	۱۳۱۱	۱۱۳۴۱

(اشبو غزته بهر هفته جمعه ایرتسی کونلری چیقار . سنه لکی درسعات ایچون مجیدیه یکر می غروش)
 (حسابله التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکر می غروش اولمق اوزره یوزپاره یه هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولمق استیانلر عدلیه نظارتی)
 (دأره سنده کائن جریده محاکم اداره سنه مراحتت ایلملیر)

محکمه مذکوره مدعی عمومی عطفو قتلو خالدک
 افندی حضرتلرینه .

درسعات استیناف محکمه سی مدعی عمومی
 بدایت محکمه سی مدعی عمومی
 سعادتلو حسین صدق افندی به تفویض بیورلش
 ومشار ومومی الیهمک ذات شوکتمات حضرت
 خلافتناهی به ودولت علیه لرینه صادقانه ایفای
 خدمت ایده جکلرینه ومغایر عدالت حرکاتده
 بولنیه جقلرینه دأر تحلیف لری اجرا اولنمشدر .

قسم رسمی

توجیهات

محکمه تمیز جزا دأره سی ریاستی درسعات
 استیناف محکمه سی رئیس اولی عطفو قتلو شوقی بک
 افندی حضرتلرینه .

درسعات استیناف محکمه سی رئیس اوللکی

(رتبه)

وظائف مأموریتلری حسن ایفاده مشاهد
اولان مساعی و اقداملرینه مبنی در سعادت استیناف
محکمه سی اعضاسندن سعادتلو اسماعیل حتی بك
افندی حضرتلرینه ترفیعاً رتبه اولی صنف اولی
و سعادتلو عزت بك افندی به رتبه اولی صنف ثانیه
و محکمه تمیز باش مدعی عمومیلکی معاونلرندن
عزتلو مخلص بك ایله عدلیه نظارت جلیله سی محاسبه
قلی طشره قسمی میرنی عزتلو حسن افندی به رتبه
ثانیه صنف متمیزی و نظارت مشارالیه اسجل احوال
مدیریتی قلی خلفاسندن رفعتلو تحسین وارضروم
استیناف محکمه سی باش کاتبی رفعتلو عارف حکمت
بکرایله قیصریه سنجانی بدایت محکمه سی باش کاتبی
رفعتلو سعید افندی به رتبه ثالثه توجیه بیورلشدر .

وظائف مأموریتلری حسن ایفاده سعی
و غیرتلی مشاهد اولسنه مبنی در سعادت استیناف
مدعی عمومیلکی معاونلرندن عمر لطفی و عدلیه
نظارت جلیله سی اسجل احوال مأمورین مدیریت
قلی خلفاسندن اولوب هیئت میره باش کتباتی
وظیفه سی دخایفا ایتمکده بولنان عزتلو محمود بکله
رتبه ثانیه صنف ثانیه و قلم مزبور خلفاسندن
رفعتلو ادهم و اعلامات نظامیه اجرا مأموریتی
معاونلرندن محمدحسین افندیله ثالثه .

وظیفه مأموریتلری حسن ایفا ایتمکده اولملر-
ندن ناشی عدلیه نظارت جلیله سی اسجل احوال
مأمورین مدیریت قلی خلفاسندن فتوتلو حتی
و مکتوبی قلی خلفاسندن محمدجیل و در سعادت استیناف
ف مدعی عمومیلکی معاونلرندن رأفت بکله
در سعادت بدایت محکمه سی ایکنجی جزا دائره سی
برنجی صنف کتبه سندن فائق افندی به رابعه
رتبه لری توجیه بیورلشدر .

اوچ یوز اون سنه سی ایستاتستیک جدولیدر

وارد قسمی

۵۰۵ اوچ یوز طقوز سنه سندن دور اولنان اوراق دعوی
۱۷۶۸۳ اوچ یوز اون سنه سی فی ۱ مارت سنه تاریخندن سنه مذکوره شباطی غایه سنه دکین دورایدن اوراق
۱۸۱۸۸
۱۶۶۴۰ صادره قسمی یکنوی

۱۵۴۸

۶۷۸ تدقیقاتی اجرا اولنوب در دست تبیض و تمهیر بولنان

۸۸۰ در دست تدقیق اولوب اوچ یوز اون بر سنه سنه دورایدیلان

صادر قسمی

۰۴۷۸ دعاوی حقوقیه متدائر اعلامات حقنده محکمه تمیز حقوق دائره سنه تودیع قلنان مطالعه نامه
۳۴۵۹ رأساً و رسماً تابع تمیز اولان واستدعا اوزرینه ورودایدن جنایت و جنحه و قباحته دائر اعلامات
حقنده محکمه تمیز جزا دائره علیه سنه ویریلان تبلیغنامه

۰۶۹۹ نقل دعوی و مفسوخیت و وظیفه و صلاحیت و مرور زمانه دائر اعلامات حقنده محکمه تمیز
استدعا دائره علیه سنه تبلیغنامه

۳۸۵۰ باظهریه دوائر عاده سنه کوندریلان

۶۹۵۷ دوائر ولاته یازیلان تذاکر و محررات و تلغرافنامه

۴۵۶ اوراقیله برلشدیریلان

۳۹۷ اکال نواقصی ایچون محللرینه یازیلان

۳۴۴ معامله لازمه سی بالاجرا ابطال ایدیلان

۱۶۶۴۰

محکمه تمیز باش مدعی عمومیلکی مأموریتله اوچ یوز طقوز سنه سندن دور اولنان و اوچ یوز اون سنه سی
ظرفنده ورودایدن اون سکر بیک یوز سکر طاقم اوراقدن بالاده کوسترلیدیکی وجهله اون التی بیک
التی یوز قرق عددی رؤیت اولنوب متباقی بیک بشیوز قرق سکر طاقمک دخی سنه جدیدیه دور اولنمش
اولدینی قیداً اکلاشلدینی معروضدر فی ۱۳ مارت سنه ۳۱۱

واقعه ایله ثابت اولدیفنك بئانیله اعلام مذکورك
تصدیق طلبندن عبارت بولمشدیر .

ایجابی مذاکره اولندقمه اعلام مذکوردن
ا کلاشدیفی اوزره مومی الیه محمدعلی افندیك
ادعای مرقومان علی اغایله شریکی عیسایه ویرمش
اولدیفی شکر اتمانندن بقیه قلان مطلوبنك علی
اغادن تحصیل طلبندن عبارت اولسنه نظراً بحله -
نك بیک اوچوز یتش بدیجی ماده سنه تطبیق
حکم ایدلك اقتضا ایدر ایکن محکمه جه بوجهت
مهمیه عطف نظر دقت اولنامسی و محاکم نظامیه -
دن صادر اوله حق اعلامنك اسباب موجب و مواد
قانونیه مبتنی اولسی اصول محاکمه حقوقیه
قانوننك یوز اوتوز التبعی ماده سی اقتضاسندن
اولدیفی حالد بوراسنه دخی رعایت ایدنامسی
مغایر قانون اولدیفندن قانون مذکورك ایکوز
اوتوز ایکنجی و ایکوز قرق برنجی ماده لری
موجبجه اعلام مذکورك نقصنه و زبرده مفرداتی
مرقم اوچوز سکسان سکر غروش مصارف
محاکمه نك ایلروده حقسنز جقه حق طرفه رجوع
ایتمك اوزره اول امرده مستدعی علی اغادن
اخذینه ۱۱ کانون ثانی سنه ۳۰۴ تاریخده متفقاً
قرار ویرلهرك طرفینه تفهیم قلندی .

ایته بولی بدایت محکمه سندن ۱۵ تشرین ثانی
سنه ۳۰۲ تاریخی ویکرمی عددی ایله ویریلان
اعلامك تمیزینی استعدا ایدن قصه مذکورك
مومره قریه سنده ساکن صالحی اوغلی حسین
وکیلی محمدافندی بوم معینه گلش ایهده میزعلیه
محل مذکورده مقیم قوریق اوغلی ولی گلدیکنندن
وکیل مومی الیهك ایضاحات شفاهییه سی استماع
قلندی .

اعلام مذکورك مالی مرقومان حسین ایله
ولی بینده متحدث صوخراری منازعه سی حقنده
اعتراض الفیر طریقله اجرا قلنان محاکمه اوزرینه
مرقوم واینك مذکور خارارده بش سهم حصه سی
اولدیفنه دائر این بولی بدایت محکمه سندن صادر
اولان اعلام علیهنده مرقوم حسین اقا جانندن
اعطا قلنان اعاده محاکمه استعداسی اوزرینه
اجرا قلنان محاکمه و تدقیقات نتیجه سنده حکم
سابقك تصدیقه قرار ویرلیدکندن و مستدعی
وکیلی محمدافندیك اشبو حکم علیهنده کی اعتراض
نك خلاصه سی شهادت واقعه ده تناقض بولندی
حالد محکمه جه بوجهنك نظر دفته التماسی مغایر
قانون اولدیفندن بحله اعلامك نقضی و میزعلیه
واینك لایحه سنده محرر نتیجه جوابی اعلام

مذکور اصول و قانونه موافق بولندیفندن
تصدیق طلبندن عبارت بولمشدیر .

ایجابی مذاکره اولندقمه اعلام مذکور
مأندن ا کلاشدیفی اوزره دعوی واقعه مقدار
غیرمعین اوزرینه مبنی بولنش اولسنه نظراً
اصول محاکمه حقوقیه نك ایکوز برنجی ماده سی
موجبجه قابل استیناف بولنش ایکن محکمه
مذکورده بوراسنه عطف نظر دقت اولنمقسزین
اعاده رؤیت و تدقیقه کریشلمسی مخالف اصول
و قانون اولدیفنه بناءً اصول محاکمه حقوقیه قانون
موقنك ایکوز قرق برنجی ماده سی موجبجه
اعلام مذکورك نقصنه و زبرده مفرداتی مرقم
اوچوز النش طقوز غروش مصارف محاکمه نك
ایلروده حقسنز جقه حق طرفه رجوع یتمك
اوزره اول امرده مستدعیدن السنه ۱۶ مارت
سنه ۳۰۵ تاریخده متفقاً قرار ویرلهرك وکیل
مومی الیهه تفهیم قلندی .


بروسه استیناف محکمه سندن ۱۳ تشرین ثانی
سنه ۳۰۳ تاریخی و اوتوزایکی عددی ایله صادر
اولان اعلامك تمیزینی استعدا ایدن کوتاهییه ده
مقدم ردیف بیکباشی شریف بك وکیلی
یواناکی یورکیادیس و میزعلیه کوتاهییه ده حاجی
ابراهیم محله سنده مقیم شاملی حاجی طاهر اغا وکیلی
بابایان بدروس افندیلر تعیین اولان کونده دائره
کلکدرندن ایضاحات شفاهییه لری استماع قلندی .

اعلام مذکورك مالی مومی الیه شریف بک
مرقوم حاجی طاهر اغانك مالصندیغه دنی اولوب
امریله تسویه ایلدیکی مبالغدن متبانی مطلوبی
بولان یدی بک یوزیکرمی بش غروشك تحصیل
حقنده اقامه ایلدیکی دعوی اوزرینه اجرا قلنان
محاکمه نتیجه سنده مبلغ مذکور حای اولان سندك
عدم وجودی هر قدر مرقوم حاجی طاهر اغانك
اجرا قلنان تحلیفه ثابت اولنش ایهده ببالغ
مزبورك دفع و تسلیم ایلدیکنك طاهر اغا طرفدن
اثباته و اثبات ایده مدیکی و طالب تحلیف اولدیفی
تقدیرده مومی الیه شریف بک اجرای تحلیفه
دائر کوتاهییه بدایت محکمه سندن ویریلان اعلام
اوزرینه عندالاستیناف سبق ایدن محاکمه نتیجه -
سنده مذکورك عدم وجودی مرقوم حاجی طاهر

اغانك اجرا قلنان تحلیفه ثابت اولدینی جهته
ارتق دعوانك تكرار تدقیقه محل قلامش اولدینی
بیانیله بدایت اعلامك فسخه و مجلهك بیهك
سکر یوز اون طقوزنجی مادهسی حکمه توفیقاً
مومی الیه شریف بکک اساس دعوی حقنده معارضه
دن منعه قرار ویرلدیکندن و مستدعی وکیلک
اشبور قرار علیهنده کی اعتراضاتك خلاصهسی
حصنك اجرا قلنان تحلیفی مبلغ مدعایك سنده
مربوط اولدینه متدائر ایکن محکمه استینافیه جه
مجلهك ماده مذکوره سنه تطبیقاً اساس دعوان
منع معارضه قرار ویرنسی قانونه مغایر اولدیفندن
ن مجله اعلامك نقضی و میز علیه وکیلک نتیجه
جوابی دخی اعتراضات واقعك ردیله موافق
قانون اولان اعلام مذکورك تصدیقی طلبندن
عبارت بولمیشدر .

ایجابی مذاکره اولدقدده اعلام مذکور
مألندن مستبان اولدینی اوزره مدعایه اولان
مذکور بدی بیک کسور غروشك اساساً اون الی
بیک الی یوز یکر می بش غروشدن بقیه ایدوکی
اوراق مبرزه مندرجاتی و مرقوم طاهر اغاوکیلک
بدایه سبق ایدن افاده مضبوطهسی ایله مثبت
اولوب شو حالده محکمه جه تدقیق اوانه حق جهت

مذکور بدی بیک یوز یکر می بش غروشك
تسویه اولوب اولمیدینی ماده سندن عبارت اوله ورق
حکم ابتدائی دخی بومر کرده بولنش ایکن محکمه
استینافیه جه مبلغ مدعایه مذکورك سنده مربوط
وضایع اولوب اولدینی حقنده بدایه اجرا قلنان
محاکمه اوزرینه سندك عدم وجودینه دائر مرقوم
طاهر اغانك اجرا قلنان تحلیفه استناداً و مجلهك
بیهك سکر یوز اون طقوزنجی مادهسی حکمه
تطبیقاً مومی الیه شریف بکک اساس دعوی حقنده
دخی معارضه دن منعه حکم اولنمسی ماده مذکور
یه یا کلس معنی ویرلدیکدن منیت اولدیفندن
اصول محاکمه حقوقیهك ایکوز اوتوز ایکنجی
مادهسی موجبجه اعلام مذکورك نقصه وزیرده
مفرداتی مرقم اوچیوز فرق سکر غروش
مصارف محاکمهك ایلروده حقسنز چیقجه حق
طرفه رجوع ایتک اوزره اول امرده مستدعی
شریف بکدن اخذینه ۱ تشرین اول سنه ۳۰۴
تاریخنده متفقاً قرار ویرله رک تفهیم قلندی .




ارکوب بدایت محکمه سندن ۱۸ تموز سنه
۳۰۳ تاریخی و اون بش عددی ایله صادر اولان
اعلامك تمیزینی استدعا ایدن ارکوب قصبه سنده
مقیم مصطفی افندی وکیل حاجی احمد افندی ایله
همیز علیه صوجی اوغلی حاجی احمد اغاوکیل محمد
افندی تعیین اولنان کونده دائره کلدک لرندن
وکیلان مومی الیهانك ایضا خات شفاهی لری
استماع قلندی .

اعلام مذکورك مالی مومی الیه حاجی احمد
اغانك مومی الیه مصطفی افندی ذمتنده بدرندن
منتقل ایکی قطعه سند موجبجه غیر از تسلیم مطلوبی
اولان بش بیک ایکوز بر غروشك تحصیلی
حقنده اقامه ایتدیکی دعوانك اولاً غیاباً و مؤ
خرأ اعتراض علی الحکم اوزرینه و جاهاً اجرا
قلنان محاکمه لر نتیجه سنده مدعی علیه مصطفی
افندیك تحت اقرارنده اولان اوچییک طقوز
یوز یتمش غروشك مع فائض بالغ اولدینی درت
بیک درت یوز طقسان ایکی غروشك افندی
مومی الیه دن تحصیلنه قرار ویرلدیکندن و مستد
عینك اشبور قرار علیهنده کی اعتراضاتك خلاصهسی
مبلغ مدعایه مقابل تسامانی وقوع بولدیفنه دائر
اقامه اولنان شاهدلرک بلا سبب رد شهادت لرینه

کیدلسی مخالف قانون اولدیفندن بمجله اعلام
مذکورك نقضی و مدعی علیهك جوابی دخی حکم
واقع موافق قانون اولدینی بیانیله تصدیقی
طلبندن عبارت بولمیشدر .

ایجابی مذاکره اولدقدده اعلام مذکور مألندن
اکلاشلدینی اوزره اساس دعوی متوفی بدرندن
ارثاً انتقال ایدن بر مبلغك تحصیلی طلبندن عبارت
اولدیفنه و بومقوله میراث دعوالرینك فصل
ورؤتی محکمه شرعیه عائد بولدیفنه بناء اصول
محاکمه حقوقیه قانون موقتك ایکی یوز فرق رنجی
مادهسی موجبجه اعلام مذکورك نقصیه کیفیتك
قانون مزبورك ایکی یوز فرق اوچنجهی مادهسی
حکمنجه عائد اولدینی محکمه شرعیه حواله سنه
وزیرده مفرداتی مرقم اوچیوز طقسان درت
غروش مصارف محاکمهك ایلروده حقسنز
چیقجه حق طرفه رجوع ایتک اوزره اول امرده
مستدعی مصطفی افندی دن التسنه ۸ تشرین اول
سنه ۳۰۴ تاریخنده متفقاً قرار ویرله رک طرفین
وکیل لرینه تفهیم قلندی .



حکمی غیر مؤدی بولدی بیانیله اعلامک تصدیق
طلبندن عبارت بولنشد .

ایجابی مذاکره اولندقدہ دعوی واقعہ
مسققات وقفہ دن بدل فراغک تحصیلہ متداثر
اولوب رؤی محکمہ تفتیشہ عائد اولدیقندن اصول
محاکمہ حقوقہ قانون موقتک ایکوز فرق برنجی
مادہ سی موجبہ اعلامک تقضیلہ کیفیتک قانون
موقت مذکورک ایکوز فرق اوچنجی مادہ سی
منطوقہ محکمہ تفتیشہ حوالہ سنہ وزیرده
مفرداتی مرقم درنیوز سکرغروش مصارف
محاکمہ یک ایلروده حقسز چبقه جق طرفه رجوع
ایتمک اوزره اول امرده مستدعی محمد جمال
افندی نهمسنه ۲۰ تشرین اول سنه ۳۰۴ تاریخده
متفقاً قرار ویریلهرک تفہیم قلندی .

درسمادت ایکنجی حقوق محکمہ سنندن ۴
نموزسنه ۳۰۴ تاریخ و یوزدرت عددی ایلہ ویر-
یلان اعلامک تمیزی استدا ایدن اصمہ التندہ الی
اوچ نومرولی مغازده مقيم نشاستہ جی اصنافندن
محمد جمال افندی وکیل ادیب افندی ایلہ تمیز علیہ
اولان باب سرعسکری محاسبات دائرہ سی ایکنجی
شعبہ سی خلفاسندن نعمان یک یوم معینده گلش
اولدقلرندن ایضاحات شفاهیہ لری استماع قلندی .
اعلام مذکورک مالی مومی ایلہ نعمان یکک
زیرکده کنیساجامع شریفی نزدندہ متصرف اولدینی
برباب خانہ یک نصفی بدل معلوم مقابلندہ تفرغ ایدن
جمال افندی ذمتندہ بدل مذکوردن غیراز استیفا
مطلوبی اولان ایک بیگ بشیوز غروشک مومی ایلہ
جمال افندی تحصیلہ قرار ویرلدیکندن و مستدعی
وکیل ادیب افندی یک اشبو حکم علیہ نسنده کی
اعتراضاتک خلاصہ سی مومی ایلہ نعمان یکک
بدل فراغدن مدعاہ ایک بیگ بشیوز غروشک
موکلک تفرغ ایلدیکی نصف خانہ یک مصارف
افرازی سنہ صرف اولمقی اوزره موکلہ عقد مقاولہ
ایتمش ایکن بوراسنہ دقت اولندیقندن بحشلہ
اعلامک نقضی ومدعی علیہ نعمان یکک نتیجہ
جوابی دخی اعتراضات مسروده واهی و نقض

قادی وکیل عرفان یکک خلاصہ اعتراضاتی
اعلام مذکورک تنظیمی اصول قانونہ معیار
اولدینی کی موکلری محکمہ دعوت اولمقیسزین
شخص آخر مواجہہ سیلہ حکم ویرلمش ویرکونه
تفصیلات وعلل واسباب درج قلمامش اولدیقندن
بحشلہ اعلامک نقضی استدعاسندن عبارت
بولنشد .

ایجابی مذاکره اولندقدہ محاکم نظامیہ دن
صادر اولان اعلاماتک صورتخیر و تنظیمی
اصول محاکمہ حقوقہ قانونک التمش بشنجی
ویوزیکری ایکنجی ویوز اوتوز التمشی مادہ لری
احکامہ موافق اولمقی مقتضی اولدینی حالہ تمیز
اولتان اعلام مذکورک صورت تنظیمندہ بوقاعدہ
قانونیہ رعایت اولمقدقندن بشقہ دعوانک ندن
عبارت ایدوکی واستینافی طلب ایدیلاں اعلامک
قننی محکمہ دن ویرلدیکی و اعتراض علی الحکم
اوزرینہ تصدیق حکمہ قرار ویریلان اعلام
غیاپیک مالی نہ ایدوکی اعلامده درج وتصریح
قلمایوب بالکز مذاکره وقرار محلتک اعلام
شکلندہ اعطا وتبلیغی واوراق دعوی مطالعہ سنندن
منفہم اولدیقنہ کوره استینافاً محاکمہده بولندیرلمش
اولان حاجی محمد مرقومان مصطفی وحوانک

ایچ ایل بدایت محکمہ سنندن ۳۱ کانون تانی
سنه ۳۰۰ تاریخی ودرنیوز عددی ایلہ صادر
اولان اعلامک تمیزی استدا ایدن ایچ ایل
سنبجانی داخلندہ انا مور قضاسنک فرهنگ
قریہ سنندہ مقيم مصطفی اغا ایلہ همشیره سی حوا
خاتون وکیل عرفان یک تعیین قلنان کونده دائرہ-
یہ گلش ایسدهہ بمنزعلیہ قریہ مذکورده احمد اغا
وولی چاوش کلککری کی جواب لایحه سی دخی
ویرمدکرندن بالکز وکیل مومی ایلہ عرفان یکک
ایضاحات شفاهیہ سی استماع قلندی .

اعلام مذکورک خلاصہ مالی احمد اغا وولی
چاوشک ایچ ایل بدایت محکمہ سنندن اقامہ
ایلدکری استیناف دعواسندن دولای مستأنف
علیہ حاجی محمد علیہ نسنده استحصا ایلدکری
اعلام غیاپی اوزرینہ مرقوم حاجی محمد طرفندن
اعتراض علی الحکم دعواسنہ قیام اولنمش ایسدهہ
لاجل المحاکمہ تعیین ایدیلوب اخیراً تمید ایدیلاں
کونده معترض مرقومک کلامسنہ مبنی اصول
محاکمہ حقوقہ قانونک یوزاللی طقوزنجی مادہ-
سی موجبہ اولبابده کی اعتراض عرضحالک
ردیلہ اعلام غیاپیک تصدیقہ حکمدن واشبو
حکم علیہ نسنده مستدعی تمیز مصطفی اغا وحو

وکیل اولدینی حالد مرقوم حاجی محمدک اصیل
حقنه محاکمه بولندیرلمسی بالوجوه قانونه مغایر
واشبو مغایرت اعلامک کاملاً نقضی مستلزم
اولدیندن اصول محاکمه حقوقیه قانوننک ایکیوز
اوتوزایی وایکیوز قرق برنجی ماده لری موجبنه
اعلام مذکورک نقضه وزیرده مصارف تمیزیه
اوله رق مفرداتی محرر درتیوز الی برغروشک
ایلروده حقسز چیقه حق طرفه رجوع ایتک
اوزره اول امرده مستدعیلردن الخمسنه فی ۲۰
شباط سنه ۳۰۴ تاریخده متفقاً قرار ویریلهرک
وکیل مومی الیه تفهیم قلندی .

ایضاحات شفاهیة سیله باش مدعی عمومی معاونی
سمادتلو یورغاکی اقدینک مطالعه سی استماع
قلندی .

اعلام مذکورک مالی مرقوم پارسینک
حیدر پاشاده واقع اولوب تحت التزامده بولنان
غازینوده موجود و کندو مالی اولان برعدده
بیلاردویه مستاجر سابق حاجی میناسک مالی
ظنیله مزبور استقان جانبندن وضع اولنان
جزک فکی حقنه اقامه ایتدیکی دعوانک سبق
ایدن تدقیقاتی نتیجه سنده حاجی میناسک امضاسی
حاوی وکندیسنه هاندبولنان اشیا وادوات سائر
نک سکان ایکی لیرادینی مقابلنده مرقوم پارسینک
فروخت اولندیق میین ابراز اولنان سننده
بلاردونک صاندیقنه دائر بر صراحت اولدینی
وبیع و فروخت اولنان اشیانک نه دن عبارت ایدوکی
بیان ایدلماش اولفله مجهول اولوب مذکور
بلاردونک مجله نک ایکی یوز اوتوز بر وایکی یوز
ایکی وایکی یوز اوتوز اوچنجی ماده لری
موجبنه بلا ذکر بیعده داخل اولور اشیا دن
اولدیندن مجله نک ایکی یوز اون اوچنجی
ماده سی موجبنه مدعینک دعوانک ردینه
قرار ویرلدیکندن و مستدعی وکیل رشید اقدینک

اسکدار بدایت محکمه سندن ۲۰ تشرین
اول سنه ۳۰۳ تاریخی وایکی یوز اون عددی
ایله صادر اولان اعلامک تمیزینی استدعا ایدن
حیدر پاشاده مقیم املاک هایون ملتزمی تبعه
ایرانیه دن پارسینک اغا طرفندن رشید اقدینی
وکاله کلش ایهده مدعی علیه محل مذکور
جوارنده ساکن بقال استقان کلدیکی کبی بر
وکیل دخی کوندردیکندن وکیل مومی الیهک

اشبو حکم علیهنده کی اعتراضاتک خلاصه سی
موکلی تبعه ایرانیه دن اولدینی عندالحا که بیان
ایتمش ایکن بوراسنه دقت اولنماسی و مذکور
سند مواضعه دن عاری اولدینی حالد بوباید
دخی تدقیقات اجرا قلماسی مخالف قانون
اولدیندن بحمله اعلامک نقضی و مدعی علیه
استفانک لایحه سننده محرر جوابی دخی حکم
ابتدائی موافق اصول و قانون ایدوکی بیانیله
تصدیق طلبندن و معاون مومی الیهک مطالعه سی
وظیفه حقنه درمیان اولنان اعتراضک محکمه
ابتدائییه جه حل ایدلماش مغایر قانون اولدینی
بیانندن عبارت بولمشدر .

ایجابی مذاکره اولندقدده اعلام مذکور
مألندن مستفاد اولدینی اوزره مرقوم پارسینک
تبعه ایرانیه دن اولدینی عندالحا که درمیان
ایتمشی اوزرینه محکمه جه بوباید تدقیقات لازمه
اجراسیله تابعیت مسئله سنک حلندن صکره دعوانک
رؤیت و تدقیقه کیریشلمسی مقتضیات قانونیه دن
بولنش ایکن بوداژده اجرای تدقیقات اولنماسی
وسنده مذکور بلاردونک بیعنه دائر بر کونا
صراحت کوریلهدیکی تقدیر ده مجله نک ایکیوز
برنجی ماده سنه موافق اولوب اولدینی حقنه

تدقیقات اجراسیله اکاکوره حکم ابدلک مقتضی
اولدینی حالد بوجهته دخی رعایت قلماسی مغایر
قانون اولدیننه و معاون مومی الیهک مطالعه سی
شایان قبول بولندیقنه بناءً اصول محاکمه حقوقیه
قانوننک ایکی یوز اوتوز ایکنجی ماده سی موجبنه
اعلامک نقضه وزیرده مصارف تمیزیه
طقوز غروش مصارف محاکمه نک ایلروده حقسز
چیقه حق طرفه رجوع ایتک اوزره اول امرده
مستدعی دن الخمسنه ۸ شباط سنه ۳۰۴ تاریخده
متفقاً قرار ویریلهرک تفهیم قلندی .

سوریه استینافی محکمه سندن ۱۷ کانون اول
سنه ۳۰۳ تاریخی ویکرمی عددی ایله ویریلان
اعلامک تمیزینی قدس شریفه تابع بیت لحم قصبه
سنده مقیم حنا کمان قواس با عرضحال استدعا
ایتدیکی حالد تعیین اولنان کونده اجابت ایتدیکندن
مدعی علیها قصبه مذکوره ده ساکنه حلوه
بنت خلیل قواصک وکیل صبحی بکک ایضاحات
شفاهیة سی استماع قلندی .

اعلام مذکورك خلاصه مالی مزبوره
 حلوه خانوك پدری متوفی خلیل قواسدن دیگر
 ورثه ایله کندوسنه ارثاً انتقال ایدن عقاراتك
 میانه لرنده اجرای تقسیصنه دائر قدس شریف
 بدایت محکمه سندن استحصال ایلدیکي اعلام
 علیهنده خاجانبندن اقامه اولنان استیناف دعواسنك
 اجرا قلنان تدقیقاتی نتیجه سنده مستأنف خانك
 دعوی استینافی طقوز ماه مدت تعقیب ایتماش
 اولدیغنسك تحقق ایتدیکندن بخله استیناف
 دعواسنك سقوطنه غیاباً قرار ویرلدیکنندن
 ومستدعی ختلك اشبو حکم علیهنده کی اعتراضا
 تنك خلاصه سی اثنای محاکمه استینافیده کندو
 سنك وکیل اجرای وکالتدن استکاف ایلدیکي
 حالده کندوسنه اخبار کیفیتله اکاکوره حکم
 اولنق لازم کلور ایکن بوراسنه دقت اولنماسی
 مفایر قانون ایدو کندن بخله اعلامك تقضی
 ومدعی علیها وکیل صبحی بلك نتیجه جوابی
 دخی دعوی واقعه متوالیاً طقوز ماه تعقیب
 ایدلماش واستدعانك سقوطنه دائر ویریلان
 قرار موافق قانون بولنمش اولدیغندن اعلامك
 تصدیق طلبندن عبارت بولنمشدر .

ایجاب کیفیت مذاکره اولندوقده اعلام مذکور
 مآلندن اکلاشلدیغنه کوره دعوی استینافیئك
 رؤیتی ضمننده تعیین قلنان کونده مستأنف
 خایه اشبو استکافك اخباریله اکاکوره حکم
 اولنق لازم کلور ایکن مستأنف وکیلنك
 استکاف واقعی اوزرینه دعوی استینافیئك
 طقوز ماه تعقیب اولنما سندن طولانی رد
 استدعایه حکم اولنمی مفایر قانون بولنمش
 اولدیغندن اصول محاکمه حقوقیه قانون موقتك
 ایکوز اوتوز ایکنجی ماده سی موجبجه اعلامك
 نقضنه وزیرده مفرداتی مرقم اوچوز اوتوز
 غروش مصارف محاکمه نك ایلروده حقسزچیه
 جق طرفه رجوع ایتك اوزره اول امرده
 مستدعیدن النمنه ۲۳ مارت سنه ۳۰۵ تاریخنده
 متفقاً قرار ویریلرک تفهیم قلندی .

اعلان

اوچوز اون سنه سی حزیرانسك دردنجی
 بازار کیجه سی شبله قضا سنك الاجه قریه سنده مقیم
 دیکباش اوغلی نعمانی سرقت جنایتی اجرا
 صره سنده جرح و قتل ایتسندن طولانی مظلون
 علیه اولان قریه مذکوره اهالی سندن اورته بویلی
 صاری بکزی قره کوزلی اوتوزاتی باشند طرنوه
 مهاجر لرندن قره امین اوغلی حسن دامادی
 مهاجر اراهم فرار ایتسندن وجریان ایدن
 تحقیقات اوزرینه اتهامنه هیئت اتهامیه جه
 قرار ویرلسندن ناشی اصول محاکمات جزائییه
 قانونك اوچوز یمش برنجی ماده سی موجبجه
 معامله مقتضیه قانونیه ایفا و محاکمه علیه غیابییه سی
 اجرا اولنهرق قانون جزانك یوز یمش دردنجی
 ماده سنك فقره اخیره سنه توفیقاً اعدامنه و اوتوز
 برنجی ماده قانونیه منطوقجه حقوق مدنییه دن
 اسقاطیله اموالنك جزئییه محکمه جنایتدن غیاباً
 حکم اولنمش و ذکر اولنان اصول محاکمات جزائییه
 قانونك اوچوز یمش برنجی و اوچوز یمش سکر
 نجی و اوچوز سکسان برنجی ماده لرله مواد

سائر سی احکامنه توفیق معامله اولنمی مرجعه
 بیلدیرلش اولنقله اعلان کیفیته ایتدار قلندی .
 فی ۱۱ مارت سنه ۳۱۰

علی رضا افندیك ۳۱۱ نومرو سیله مقید اعلام
 موجبجه سابق ملکیه قائمه قاملرندن مسعود بك
 ذمتنده محکوم به اله جفی اولان مبالغك تأمین
 استیفاسی ضمننده مدیون مومی الیهك بفعجه
 قیوسنده شیخ محمد کیلانی محله سنده سبزه خانی میدانی
 سوقاغنده طقوز نومرو لی مغازه ده یوز بکر می سهم
 اعتباریله متصرف اولدیغی اون بش سهم یاغجی
 کد کندن اتی سهمك فروختی بك اوغلی بدایت
 محکمه سی ریاست اولیسی جانبندن تحت قرار النمش
 اولنقله تاریخ اعلاندن اعتباراً اون بش کون صکره
 بلمزاید فروخته تشبث اولنه جفی بك اوغلی
 بدایت محکمه سی اجرا مأموریتی جانبندن اعلان
 اولنور .

فی ۲۰ مارت سنه ۳۱۱

زیشتولی محمد اغانک شهرامانت جلیله سی
محاسبه جیسی عطوفتو رشادیک افندی حضرتلری
ذمتنده در سعادت بدایت محکمه سی ایکنجی حقوق
دائرة سنک فی ۵ کانون اول سنه ۳۱۰ تاریخ و در تیوز
التمش اوچ نومرولو بر قطعه اعلامی منطوقجه محکوم
به مطلوبی اولان مبالغک تأمین استیفاسی ضمننده
مشارالیه حضرتلرینک تحت تصرفده اولوب داینک
طلب واستدعاسی اوزرینه علی الاصول تحت حجزه
النان یکی قبو جوارنده کاتب قاسم محله سنده حصار
دی زقاغنده کان اون بش و اونی دی نومرولرایله
مرقم و یکدیگرینه متصل ایکی قطعه عرصه نک تاریخ
اعلانن اعتباراً اون بش کون صکره بالمزایده
فروخته تشبث اولنه جفی در سعادت اعلامات
نظامیه اجرا دائرة سندن اعلان اولنور .

فی ۱۱ مارت سنه ۳۱۱

سنه ۳۰۹ تاریخ و در تیوز اوتوز طقوز عددلی
بر قطعه اعلامی منطوقجه محکوم به مطلوبی اولان
مبالغک تأمین استیفاسی ضمننده مدیون موسی
الیهانک تحت تصرفده اولوب محجوز و فروختی
محکوم بولنان یکی جامع شریف قربنده خویسار
محله سنده واقع اون قورنه لی یدیز حامی دیمکله
معروف تک حمام کدکنک ثمن و ملککنک یوزیکرمی
سهم اعتباریله سکسان حصه سنک ثلث عن نصف
حصه شایعه سی علی الاصول التمش برکون ظرفنده
اجرا قلنان مزایده علنیه نتیجه سنده لیرای عثمانی
یوزغروش حسابیله اون التی بیک بشیوزغروشده
طالبی عهده سنده تقریر اتمش و قرار قطعیسی کشیده
قلنه جفتدن یوزده نش ضمیمه طالبی ودها زیاده
معلومات آلق استیانلرک تاریخ اعلانن اعتباراً
لهایت اوتوز برکون ظرفنده در سعادت اعلامات
نظامیه اجرا دائرة سنه مراجعت ایملری اعلان
اولنور .

فی ۱۸ مارت سنه ۳۱۱

باب عالی جوارنده عزیزیله جاده سنده نعلالی
مسجد محله سنده ساکنه شریفه غنچه خانمک
اقسرایده چیچک بوستاننده اسماعیل اغا محله سنده
اون نومرولی خانه ده مقیمه مرحوم محمد نظیف
افندی کریمه سی فاطمه سنیه خانم ذمتنده در سعادت
بدایت محکمه سی ایکنجی حقوق دائرة سنک ۸ شباط